



Synfocity = 796

mail us at : mzsynfo@gmail.com; mizoramsynod@gmail.com - Phone - 2314648

December 17, 2020

☐ *Synod Inkhawmpui vawi 97-na a ñiak ta*

Mizoram Presbyterian Kohhran rorelna sâng ber Synod Inkhawmpui vawi 97-na chu Covid-19 hripui leng karah tuang taka hman a ni a, Rorel Palai ruat bîk kalkhawm te chuan Dec. 9 & 10 chhung khan tuang takin ro an rel thei a. Rorel Palai 229 an kal a, ñum dang angin agenda chhawp chhuah tam ni lo mah se thil pawimawh tak tak reñ a ni.

Thurel langsar zualte chu:

1. "Ei leh bara kan intodelh theihna turin Synod-in hma la rawh se," tih chu SEC kuta dah a ni.
2. "Covid-19 (Hripui) leng avanga Ñam lo thleng thei lakah ruahmanna Synod-in siam rawh se" tih chu SEC in an bawhzui ang.
3. Marpara Ramthar Bial tih chu Marpara North Bial tia thlak a ni.
4. Kum 2021 Synod Inkhawmpui añangin hnam dang Pastor nemngheh turte chu anmahni ñawng emaw sapñawngin emaw-a Thurin zawh ñin a ni tawh ang.
5. Kohhran Pavalai Pawl din ñan hun atan ni 21.7.2014 pawm a ni.
6. Kohhran teñ leh harsa zawkte ñanpuia dâwm chhuah dan kawng zawn rawtna lut chu hman nghal turin SEC-in an bawhzui ang.
7. 'Naupang Hla bu ennawna siam ñat ni rawh se' tih chu SEC bawhzui atan dah a ni.

Kumin Synod inkhawmpuia hian Pastor thi pangnga (5) sun an ni a. Pastor nemngheh thar 15 awmin, Pro. Pastor atan mi 18 lak thar an ni. Tin, Synod Inkhawmpui Vawi 97-na hian Bial thar Pastoral hnuaiiah Bial 8 leh SMB hnuaiiah Bial 4 a hawng thar bawk. Tun ñum Synod Inkhawmpuia hian Minister pension 5 leh Department head pension 2 an awm a ni. Synod Inkhawmpui hi kum 2010 añang khan Bial-in an thleng ñan a, nakkum 2021 hian Republic Veng Bial-in Republic Veng Kohhranah an thleng ang. Kum 2021-a Pastoral Ministry thupui atan "Nun fimkhur" Ephesi 5 : 15 chu thlan a ni.

Kum 2021 Synod Inkhawmpuia Puipa turte chu :

Moderator	:	Rev. Dr. Vanlalngbaka Ralte
Secretaries	:	Upa Lalrinmuana (Sr.) Rev. Z.D. Lalhmachhuana (Jr)
Finance Officers	:	Rev. B. Sangthanga Rev. Lalramliana Pachuau
Statistician:		Upa Lalthianghlina
Sr. Executive Secy.	:	Rev. Lianhmingthanga Sailo
Executive Secretary	:	Rev. K. Lalrinmawia

☐ *Synod Social Front*

Synod Social Front Committee chuan Synod 2017 leh 2018 Thurel bawhzuiin HIV/AIDS leh Ruihhlo dona kawng khat atan Video Clip leh Slogans intihsiaakna Branch KṚP te tan a buatsaih a, Dec. 14, 2020 (Thawhtanni) khan intihsiaakna result Synfo Studio-ah puan a ni.

Video Clip intihsiaaknaa lawmman dawngtu te chu -

- Pakhatna : Mission Vengthlang Branch KṚP (Rs. 30000/- leh thuziak)
- Pahnihna : Khatla Branch KṚP (Rs. 20000/- leh thuziak)
- Pathumna : Venghnuai Branch KṚP (Rs. 10000/- leh thuziak)

Heng bakah hian a ti tha zual sawm zinga tel Branch pasarih hnenah Consolation Prize Rs. 3000/- thuziak te hlan theuh an ni bawk.

Slogans intihsiaaka lawmman dawngtute chu -

- Pakhatna : Bethlehem Venglai Branch KṚP (Rs. 5000/- leh thuziak)
- Pahnihna : Lengpui Branch KṚP (Rs. 3000/- leh thuziak)
- Pathumna : Suangpuilawn Branch KṚP (Rs. 2000/- leh thuziak)

Hemi bakah hian a ti ña zual sawm zinga tel dang pasarih hnenah Rs. 1000/- leh thuziak pek ñeuh an ni bawk. He intihsiaakna hian Branch KṚP 83 añangin video clip 115 thehluh a ni a, Slogan hi Branch KṚP 96 añangin 1000 thehluh a ni bawk. Video Clip intihsiaaknaa ti ña zual 10 te hi CKṚP Youtube channel-ah upload an ni a, Slogan a ti ña te hi sticker leh Hoarding atan te hman tur a ni.

Contd...

❑ **Synod Mission Board leh ram pawn chet velna**

♦ Dec. 12, 2020 (Inrinni) thlenga Synod Mission Board hnuai Missionary leh an chhungte zinga Covid-19 kai zat leh Field hrang hrang dinhmun chu hetiang hi a ni:

Mipa 31 leh Hmeicthhia 41

Hrikai zat - 72

Enkawl lai - 3

Enkawl dam - 68

Thi - 1

Field hrang hrang dinhmun:

Field	Hri kai	Enkawl mek	Dam
Arunachal & Assam Mission Field (East)	6	0	6
Arunachal & Assam Mission Field (North)	5	0	5
Arunachal & Assam Mission Field (West)	20	3	17
Assam	2	0	2
Barak	6	0	6
Delhi	10	0	9
Karbi Anglong	2	0	2
Kolkata	1	0	1
Lucknow	1	0	1
Masihi Sangati	1	0	1
Nepal	4	0	4
Tripura	14	0	14
TOTAL	72	3	68

♦ **Siliguri Mission Field**

Dec. 13, 2020 (Pathianni) khan ringthar 5 Lal Isua zui turin an inpe bawk.

♦ **Jharkhand Mission Field**

Dec. 12, 2020 (Inrinni) khan Chaporia Biak In thar chu Field Secretary-in a hawng a, he Biak In hi Zarkawt Kohhranin Rs. 2,50,000.00 senga an sak sak a ni a. Mistiri chhawr man bâk chu hnatlâng deuh veka thawh a ni.

Dec. 13, 2020 (Pathianni) khan ringthar 4 Lal Isua zui turin an inpe bawk.

♦ **Arunachal & Assam Mission Field (North)**

Dec. 13, 2020 (Pathianni) khan Field huam chhung hmun hrang hrangah ringthar 8 Lal Isua zui turin an inpe a. Tin, Malbuk Fellowship Biak In thar, Jonai Bialah Bialtu Pastor-in Pathian hnenah hlanin a hawng bawk.

♦ **Assam Mission Field**

Dec. 13, 2020 (Pathianni) khan Field huam chhung hmun hrang hrangah ringthar 6 Lal Isua zui turin an inpe.

♦ **Odisha Mission Field**

Dec. 11, 2020 (Zirtawpni) khan ringthar 6 Lal Isua zui turin an inpe.

❑ **Synod Lay Worker Fellowship (SLWF)**

Dec. 16, 2020 (Nilaini) chawhnu dar 2 khan Synod Office Devotion Hall-ah SLWF member kum 2020 Pension-a chhuakte thlahna hun hman a ni.

Thlahna inkhawm hi Pu Thankima, Chairman, SLWF-in a kaihruai a, Upa Lalthahluna Ralte, Fin. Secretary, SLWF-in hunserh a hmang a, Pension-a chhuak mi 19 hnenah Ngaihhraina thuziak hlan a ni. Pension-a chhuak turte hnen ațangin thusawi ngaihthlak a ni bawk.

Covid-19 Hripui leng mek avangin kum danga pension te inthlah dan ang pangngaiin inthlah a remchang lova, SLWF hruaituten he hun hi an hmanpui a ni.

❑ **Campus Ministry**

Dec. 16 - 20, 2020 chhung hian Synod Campus Ministry buatsaihin zan dar 8-ah Hruaina Eng channel leh Synod Information YouTube channel-ah Christmas Carol buatsaih a ni a, Rev. Lazuithanga, Rev. Remlalfaka, Upa C. Ngurthantluanga, Rev. Dr. H. Vanlalruata leh Rev. B. Sangthanga, Executive Secretary-te speaker-a hman an ni a, zaithiam hrang hrang hnen ațangin Pathian fakna hla ngaihthlak thin a ni bawk.

- ❑ **Synod Relief Fund**
Tun hnaia harsatna nei Hnahlan khuaa damlo mi 1 hnenah Synod Relief Fund aṅgingin ṅanpuina Rs. 5,000/- pek a ni.
- ❑ **Krismas leh kumthar chhungin Synod Office khar dawn**
Dec. 18, 2020 (Zirtawpni) hian Synod Staff Welfare ruahmanna-in Synod Office-a thawktuten Synod Office leh a vel te tihfaiin an hnatlang dawn.
Kumin krismas leh kumthar vuakvet chhungin Mizoram Synod Office chu khar a ni dawn a, December 23, 2020 (nilaini) aṅgingin khar ṅan a ni ang a, January 6, 2021(Nilaini)-ah hawn ṅan leh a ni ang.
- ❑ **Synod Revival**
Synod Revival Committee buatsaihin Dec. 9 - 13, 2020 chhung khan Live TV Crusade thawhkhatna chu Mission Veng Kohhran Biak In aṅgingin neih a ni a, hemi hunah hian T.Upa R. Lallungmuana, Rev. C. Lalsangliana, Upa Lalhmachhuana, Pu Malsawmthara, Pu K. Lalngaihawma leh Rev. Dr. C. Lalhlira, Moderator te Speaker-a hman an ni a, inkhawm apiangin One-in-Christ hnen aṅgingin fakna hla ngaihtlak ṅin a ni bawk.
He Live TV Crusade thawhnhniha hi Dec. 23 - 27, 2020 chhungin neih leh tura ruahman a ni a, Rev. R. Lalnunluanga, Upa C. Ngurthantluanga, Rev. Lianhmingthanga Sailo, Rev. Vanlalbela, Revd Chuauṅthama, Upa Lal Thlengliana, Rev. Vanlaluata te speaker tur an ni.
- ❑ **Hruaina Eng FM Radio**
DECEMBER 18, 2020 (FM Zoawi - Aizawl & Lunglei @ 7:30 p.m.):
Solo : Esther Lalthianghlimi - Thimin lei a tuam laiin
Zaipawl : Chhinga Veng East Zaipawl - Khawvel lawmnan a lo kal a
Thusawi : Rev. H. Lalrinmawia - Krismas Thuchah
Solo : C. Remsangpuii - Lal pian hun pangpar
Zaipawl : Bungkawn Bial Zaipawl - Kumsul lo vei

MSSU HRIATTIRNA

Kumthar 2021 MSSU Syllabus leh Tleirawl leh Naupang Inkhawm Hruaina bu a chhuak tawh a, MSSU Dept., Synod Office-ah a lam theih e.

KOHRAN PAVALAI PAWL HRIATTIRNA

Synod Executive Committee (SEC) 287:39 Nov. 10 - 12, 2020 chhunga neih chuan Kohhran Pavalai Pawl (KPP) Bial/Presbytery/ Ram Pum huapa programme neih ṅin chu a sapṅawnga "Meet" ti tawh lovin mizo ṅawngin "Intawhkhawm" tih tawh tur a ni a. Hei hi Kohhran Pavalai Pawl ten ngai pawimawh a, zawm nghal ni se a ṅha ang e.

BOOKROOM HRIATTIRNA

Kum danga kan lo tih ṅin angin Krismas 2020 leh Kumthar 2021 Synod chawlh chhung hian Synod Bookroom dawr zawng zawngte leh Stock Room inhawn theih dan tur chu a hnuai mi ang hian ruahman a ni a. Mipui min mamawhdan enin rawngbawlana ngaiin hei hi zawm tum hram ni se la, amaherawhchu order ni lovin inngenna a ni e.

1. 29 & 30 December, 2020 (Thawhlehi leh Nilaini)

2. 5 January, 2021 (Thawhlehi)

Heng a chung a kan tarlan bak pawh hi kan daily worker-te hmang ṅangkai chung a hna ṅul avanga kal thei kan awm a nih pawhin a lawmawm lam a ni ang.

Sd/-

Lalniliana

Manager, Synod Bookroom